

ता म॒ऽइ॒मं य॒ज्ञं प्र॒सुवा॒दिति ॥ ६ ॥ त॒स्यै प॒ञ्चद॒श सा॒मिधे॒न्यो भ॒वन्ति । वा॒त्रिघ्ना॒
वा॒ज्यभा॒गौ य॒ऽइ॒मा वि॒श्वा ज्ञा॒तान्या॒ दे॒वो या॒तु स॒विता॒ सुर॒त्न इ॒त्युपा॒ङ्गु ह॒वि॒
षो या॒ज्यानु॒वाक्ये॒ विरा॒जौ सं॒याज्ये॒ हिर॒ण्यं द॒क्षिणा॒ सुव॒र्णं श॒तमा॒नं त॒स्योक्तं॑
ब्रा॒ह्मण॑म् ॥ ७ ॥ त॒स्यै प्र॒याज्ञे॒षु ता॒यमा॒नेषु । ब्रा॒ह्मणो॒ वीणा॒गाथी द॒क्षिणा॒त् उत्त॒
र॒मन्द्वा॒मुदा॒घ्नंस्ति॒स्रः स्वय॑ऽस॒म्भृता॒ गा॒था गा॒यती॒त्यय॒जते॒त्यद॒दा॒दिति॑ त॒स्योक्तं॑ ब्रा॒ह्म॒
ण॑म् ॥ ८ ॥ अ॒थ द्वि॒तीयां नि॒र्वप॒ति । स॒वित्र॒ऽआस॒वित्रे॒ द्वा॒दश॒कपा॒लं पु॒रोडा॒शं
स॒विता॒ वा॒ऽआस॒विता॒ स॒विता॒ म॒ऽइ॒मं य॒ज्ञमा॒सुवा॒दिति ॥ ९ ॥ त॒स्यै स॒प्तद॒श सा॒
मिधे॒न्यो भ॒वन्ति । स॒द्वत्ता॒वा॒ज्यभा॒गौ स॒दे॒वावरु॑न्दे वि॒श्वा नि॒ दे॒व स॒वितः॑ स॒ घा॒
नो दे॒वः स॒विता॒ स॒हावे॒त्युपा॒ङ्गु ह॒वि॒षो या॒ज्यानु॒वाक्ये॒ऽअनु॑ष्टु॒भौ सं॒याज्ये॒ रज॒
तं हिर॒ण्यं द॒क्षिणा॒ नाना॒वृ॒प॒ताया॑ऽअ॒थोऽउ॒त्क्र॒माया॒नप॒क्रमा॒य श॒तमा॒नं भ॒वति॑
श॒तायु॒र्वै पु॒रुषः॑ श॒तेन्द्रि॒य आ॒युरे॒वेन्द्रि॒यं वी॒र्य॒मात्म॒न्धत्ते ॥ १० ॥ त॒स्यै प्र॒याज्ञे॒षु
ता॒यमा॒नेषु । ब्रा॒ह्मणो॒ वीणा॑ ॥ ११ ॥ अ॒थ तृ॒तीयां नि॒र्वप॒ति । स॒वित्रे॒ स॒त्यप्र॒स॒
वा॒य द्वा॒दश॒कपा॒लं पु॒रोडा॒शमे॒ष ह॒ वै स॒त्यः प्र॒स॒वो यः स॒वितुः॑ स॒त्येन॒ मे प्र॒स॒
वे॒नेमं॑ य॒ज्ञं प्र॒सुवा॒दिति ॥ १२ ॥ त॒स्यै स॒प्तद॒शैव॒ सा॒मिधे॒न्यो भ॒वन्ति । र॒यिम॒न्ता॒
वा॒ज्यभा॒गौ वी॒र्यं॒ वै र॒यिर्वी॒र्यस्या॒त्यै वी॒र्यस्या॒वरु॑द्धा॑ऽआ वि॒श्वदे॒वः स॒त्पतिं॑ न
प्र॒मि॒ये स॒वितु॑र्दे॒व्यस्य॒ तदित्यु॒पा॒ङ्गु ह॒वि॒षो या॒ज्यानु॒वाक्ये॒ नित्ये॒ सं॒याज्ये॒ ने॒द्यज्ञ॒
प॒थाद॒यानी॒ति क्लृ॒प्त॒ऽए॒व य॒ज्ञेऽन्तः॑ प्र॒ति॒तिष्ठ॒ति त्रि॒ष्टु॒भौ भ॒वत॒ इन्द्रे॒ वै वी॒र्यं॒ त्रि॒
ष्टु॒विन्द्रि॒यस्यै॒व वी॒र्यस्या॒वरु॑द्धौ हिर॒ण्यं द॒क्षिणा॒ सुव॒र्णं श॒तमा॒नं त॒स्योक्तं॑ ब्रा॒ह्म॒
ण॑म् ॥ १३ ॥ त॒स्यै प्र॒याज्ञे॒षु ता॒यमा॒नेषु । ब्रा॒ह्मणो॒ वीणा॑ ॥ १४ ॥ ए॒तस्या॑ऽस॒
त्थि॒ताया॑म् । उ॒पो॒त्था॒याध॒र्युश्च॒ य॒ज॒मा॒नश्चा॒श्वस्य॒ द॒क्षिणे॒ कर्ण॑ऽआ॒ज॒प॒तो वि॒भूर्मा॒त्रा
प्र॒भूः पि॒त्रेति॑ त॒स्योक्तं॑ ब्रा॒ह्मण॑म॒थैन॒मुद॒ञ्चं प्रा॒ञ्चं प्र॒सृज॒त ए॒षा ह्यो॒भये॒षां दे॒वमनु॒
ष्या॒णां दि॒ग्यदु॒दीची॒ प्रा॒ची स्वा॒यामे॒वैनं॑ त॒दिशि॒ ध॒त्तो न॒ वै स्व॒ऽआय॒तने॒ प्रति॒